

Supervizor za Brčko izdao Nalog supervizora u cilju poboljšanja zakonskih propisa Distrikta i njihovog usklađivanja sa uslovima iz Konačne arbitražne odluke



Supervizor za Brčko dr Raffi Gregorian izdao je danas Nalog supervizora kojim se donose zakoni koje je pripremilo Pravosudno povjerenstvo Brčko Distrikta i dopune Poslovnika o radu Skupštine Brčko Distrikta koje je pripremila Stručna služba Skupštine Brčko Distrikta. Zakoni i dopune proizilaze iz stavaka 6 i 7 Naloga supervizora od 21. prosinca 2009. godine i imaju za cilj da olakšaju i poboljšaju djelotvornost i funkcionalnost sudova i drugih institucija u Brčkom, kao i da obezbijede zaštitu interesa, status i ovlasti Brčko Distrikta putem djelotvornog postupka i očuvaju usklađenost nakon okončanja supervizije.

Supervizor je zahvalio Pravosudnom povjerenstvu Brčko Distrikta i Stručnoj službi Skupštine Brčko Distrikta na tome što su pripremili neophodne nacрте u roku koji je propisan njegovim Nalogom supervizora od 21. prosinca 2009. godine. Supervizor za Brčko je odlučio da riješi ta pitanja putem Naloga supervizora, kao najbrži način da se olakša sprovedba Konačne odluke u pogledu implementacije Amandmana I na Ustav BiH u institucijama Distrikta, te na taj način otkloni bilo kakvu pravnu nesigurnost do koje bi u suprotnom moglo doći usljed kašnjenja.